

« Premièrement après que jeus recognu la besongne qui estoit faite jusqua présent et aiant trouve satisfaction de louvrier qui lavoit faite, je me suis enquis ouvertement de luy, des moiens quil y auroit de poursuivre, tant pour le regard des matériaux desquels je devois prendre instruction des maistres du lieu, quausi de la façon de donner le prifait ou lui en aiant présente jusqua six façons toutes diverses, nous avons conclu quil serait le mieux de donner a prifait le tout, a sçavoir de rendre la taille faite et posée, et pour la façon de la massonnerie, la donner a tant la toise, et lui aiant donné du temps pour y penser et se résoudre jay prins de luy le pris de tout en particulier, jay fait le mesme avec trois ou quatre aultres maistres des plus suffisants de la ville, desquels aiant la mise, jay choisi le plus bas pris présents le R. P. Recteur et M. D'Avignon notaire. Traictant avec ledict mettre Anthoine que comme il avoit satisfais pour le passe il meritoit estre retenu pourveu quil fist la mesme condition que les aultres ; a quoy ma emeu premièrement sa suffisance quil a montre en ce qui est fait qui nest pas moindre voire est plus de conséquence, que ce qui reste, et quau cas qu'on le donnât a un aultre, sil advenoit faulte de la besongne il se déchargerait, sur ce qui a este fait par cy-devant, la besongne ne peut estre que mieux estant conduite par un mesme et la besongne que jay veu de luy et ce qui je m'en suis acquis mesme des massons, et lessay que jen ay fait par ses discours me donnent asseurance de respondre pour sa suffisance, que mont encore témoigne les nostres, jointct quil est home de bien paisible et qui a moi en pour respondre de la besongne, quil nest nécessaire, voire aiant mesme commodité pour largent, quand il en est besoing, toutes lesquelles qualittes mont emeu a luy donner ma vois, et est tellement lie au prifait, que je jugerais devoir faire, au cas quil fust nécessaire par occasion de mort ou autrement contracter avec un aultre. Quant aux aultres massons quoy quil y en hest heu qui heussent estre intelligents pour entreprendre lœuvre, ils sont ou si pauvres, quil faudroit avancer avec danger ou comme on la ja expérimente quapres avoir reçu largent ils ont quitte la besongne, ou pour estres debauebes et